

A.T.H.A.'S "Training Negative Groups",

Articulo 2



KICO ta Gothic

E contesta riba e pregunta aki no por wordo contesta den un frase cortico, ya cu tin hopi website cu ta duna diferente splicacion cu otro. Gothic kisas no ta loke bo ta pensa di dje. Gothic ta mas cu loke bo ta wak pasobra Gothic ta un forma bida. Esaki ta hopi compleho, te cu esaki no ta perfecto te ora cu esaki wordo describi den detaye. Pasobra estilo di bida tambe ta personal y pa cada persona ta diferente. Na prome lugar mester kita algun mal comprendimento, esta cu Gothic no ta bai over di paña preto, musica, of ta corta na mes (auto mutilacion). Persona cu ta gusta e musica Gothic no mester ta un persona Gothic. Pasobra bo ta bisti paña preto no kiermen cu bo ta Gothic.

Di unda e significacio Gothic ta bini?

E palabra Gothic ta siglo bieuw, e por wordo haya den e tempo di renaissance. Pero por pone esaki bai bek na e tribo di Aleman cu tabata tin e nomber

Goths. Kende un tempo a invadi Italia pa asina dividi e reino romano di e tempo ey. E palabra Gothic tin varios significacion. Entre otro: Edificio, entre otro Cathedral cu ta wordo construi riba un forma arquitectonico pa su pilarnan halto cu ta hala e atencion, plafon halto y skinan-an hopi hancha. Gothic tambe por wordo usa den storia di desendencia di fantasia. (pensa riba casteel y misanan scur y bandona. Gothic tambe ta un tipo di letter cual ta wordo usa pa scribi y pa print. E letternan aki tin diferente krulnan di decoracion.

Durante e periodo Romano den e periodo rond di 1800, hopi hende tabata sinti na mes atraí pa e pasado y e sobrevivencia di e gothico y cosnan bieuw cu ta bolbe bini na moda. Nan ta usa tur medio pa logra nan meta. Otro ta wak bek den e pasado y otro ta busca den e religion y den e sobre natural. Otro tambe ta busca den naturalesa. Den e tempo Romano Gothic tabata relata cu scuridat, e desconoci y e excepcional. Hopi simbolo

y topico den e arte Romano tabata tin hopi en comun cu e sub cultura gothic. Escritornan Romano manera Byron, Shelly, Baudelaire y Verlaine tabata interesa den e mundo di scuridat di e consencia y experiencia di e ser humano. Obsesion sexual tabata hunga un rol importante den e cultura Romano.

Gothic di awe.

Hende cu ta tene su mes ocupa cu e estilo di bida ta wordo yama gothico of gothic. Un average di gothic ta bira hopi liher negativamente como peligroso y depresivo pa motibo di su estilo di bisti y e manera di expresa su mes. Pero esaki ta un ventaja, basa riba e miedo di e publico of e falta di voluntad pa atende cu e situacion. Na final di añanan 90 e cultura Gothic a bolbe bira popular bou di hoben mundialmente. Pero esnan cu ta gusta Gothic ta hende normal manera abo y ami. Pasobra cu bo ta Gothic no no mester ta esun bisti na preto tur ora y cu bo cara cu make up ta cana rond. Tin un gran cantidad di fanaticonan Gothic cu no ta hasi esaki. Pero manera tur estilo di bida bo ta haya semper excepcion. Asina tambe bo ta haya Gothic cu ta pidi e atencion of cu nan kier pa nan wordo mira/capta mesora. Un Gothic ta respeta bida, ta stima naturalesa y kier ta hopi ocupa cu aspectonan di filosofia/psicologia di bida.

Satanismo y Morto?

Un Gothic no ta un seguidor di satanas. Gothic tampoco ta demonio. Satanismo ta wordo rechasa pa un gran mayoria. Satanismo of algo haber cu diablo ta algo cu e mayoria di Gothic no kier haya nan mes envolvi aden.

Gothic ta wordo relata den mayoria parti cu morto. Ta berdad cu mayoria di letra di e cantica Gothico ta bai encuan to morto, e maldad y otro topiconan relata na esakinan. Pero esaki no ta haci cu nan ta



mantene nan mes henter dia cu esaki. E no mester ta asina cu e mester ta negativo. Nan ta trece algun topiconan cu mayoria cultura musical ta purba di evita, entre otro suicidio, auto mutilacion y morto. Gothic no ta significa cu bo tin un escohencia directo pa cu satanas.

Conclusion

E cultura Gothico ta hopi rico, basa riba tradicion bieuw. Tin patronchi di shimis y otro paña cu ta bai bek te den e temporada renaissance. Gothic no ta un celebracion di moda. Gothic ta un estilo di biba y e comunidad ta wordo enfrenta cu ne diariamente. Poco poco nos ta cuminsa disfruta di su aporte grandi na e cultura. Hasta varios bandanan di Gothic ta cuminsa wordo gusta pa esnan cu no ta Gothic.

Na Aruba tambe ta haya hoben cu ta practica e estilo di biba di Gothic. Pero no por keda sin menciona cu un gran parti cu ta practica e estilo di bida aki no

conoce e realidad tras di con esaki a origina y con e ta sinti di otro. Na Aruba nos ta haya algun hoben cu ta djies imita algo pa demostra cu nan ta pertenece na algo of pa nan sconde tras algo.

Actualmente tin e fenomeno nobo cual ta EMO cual pa esnan cu no conoce e trent nobo aki ta confundi nan cu Gothic cual no ta cuadra cu berdad.

ATHA lo ta duna un entrenamiento special encuan to gruponan negativo pa miembro di Cuerpo Policial, Maestro di scol, trahado den ramo social, lider di grupo hubenil y lider di grupo religioso pa atende riba e topiconan di Gothic, Emo, Satanismo, Gang y Secta. E entrenamiento aki ta pa entrena esnan cu participa con pa señala y con pa duna e mihor asercamento si bo haya bo mes confronta cu un of mas di e hobennan cu bo ta traha cu nan lo por ta practica un di e actividadnan negativo ariba menciona.